



**Broj/Број:02 –50 –1-67-46/'05
Sarajevo/Сарајево, 21.9.2005.**

**ZAPISNIK
46. sjednice Doma naroda
Parlamentarne skupštine Bosne i Hercegovine,
održane 15. septembar 2005.**

Sjednica je počela u 11,10 sati.

Sjednicom je predsjedavao Velimir Jukić, predsjedavajući Doma naroda Parlamentarne skupštine Bosne i Hercegovine.

Sjednici je prisustvovalo 14 delegata.

Delegat Ilija Filipović opravdao je izostanak.

Osim delegata, na sjednici Doma naroda bili su predstavnici međunarodnih organizacija i sredstava javnog informiranja.

Nakon rasprave u kojoj je učestvovao Osman Brka, za 46. sjednicu Doma naroda usvojen je sljedeći dopunjeni

DNEVNI RED

1. Odgovori na delegatska pitanja i delegatska pitanja;
2. Usvajanje Zapisnika 45. sjednice Doma naroda;
3. Zahtjev Vijeća ministara BiH za razmatranje Prijedloga zakona o carinskim prekršajima BiH po hitnom postupku, u skladu sa članom 100. Poslovnika Doma naroda;
4. Izjašnjavanje Doma naroda o zahtjevu delegata Osmana Brke za razmatranje Prijedloga zakona o dopuni Zakona o porezu na promet proizvoda i usluga, po hitnom postupku, u skladu sa članom 99. Poslovnika Doma naroda;
5. Prijedlog poslovnika Doma naroda Parlamentarne skupštine Bosne i Hercegovine;
6. Informacija o stanju vanjske zaduženosti Bosne i Hercegovine u 2004;
7. Davanje saglasnosti za ratifikaciju Konvencije o tripartitnim konsultacijama u svrhu promoviranja implementacije međunarodnih standarda rada, 1976.;
8. Davanje saglasnosti za ratifikaciju Okvirnog sporazuma između Evropske zajednice i Bosne i Hercegovine o općim principima učešća BiH u programima Zajednice;
9. Davanje saglasnosti za ratifikaciju Ugovora o sveobuhvatnoj zabrani nuklearnih proba;
10. Izvještaj o radu Komisije za vanjsku i trgovinsku politiku Doma naroda;
11. Izjašnjavanje Doma naroda o zahtjevu delegata Osmana Brke i Mustafe Pamuka za razmatranje Prijedloga zakona o dopuni Zakona o carinskoj politici Bosne i Hercegovine, po hitnom postupku, u skladu sa članom 99. Poslovnika Doma naroda.

Ad-1. Odgovori na delegatska pitanja i delegatska pitanja

Odgovore na delegatska pitanja su dobili: Tomislav Limov, Boško Šiljegović, Ruža Stojanović, Đoko Pajić i Halid Genjac.

Delegati su se izjasnili da nisu zadovoljani dobivenim odgovorima.

Delegat Goran Milojević postavio je sljedeća pitanja Vijeću ministara BiH i Upravnom odboru Uprave za indirektno oporezivanje BiH.

S obzirom na proteste više grafičkih preduzeća iz Bosne i Hercegovine, koji se odnose na izbor preduzeća za štampanje poreskih markica, od navedene institucije tražim da mi u pisanoj formi odgovori na sljedeće:

- Ko je nadležan za kontrolu javnih nabavki u institucijama BiH?
- Da li su se, tokom postupka izbora preduzeća za štampanje poreskih markica, u sastavu nadležne komisije nalazili članovi koji su posjedovali stručne kompetencije za ovaj zadatak, i kojim su se kriterijima rukovodili prilikom donošenja odluka?
- Zašto ovaj posao nije povjeren najpovoljnijem ponuđaču – «Glasu Srpskom», AD «Grafika» iz Banja Luke, kako se navodi u protestu sindikata medija i grafičara Republike Srpske upućenom svim institucijama BiH, odnosno Republike Srpske?

Delegat Tomislav Limov je postavio sljedeća pitanja Vijeću ministara BiH:

1. Hoće li i kada Vijeće ministara Bosne i Hercegovine pripremiti i u parlamentarnu proceduru uputiti Zakon o sportu BiH?
2. Zašto je, na kojem nivou i koja institucija zaustavila proceduru razmatranja teksta Zakona o sportu BiH, koji su pripremili Olimpijski komitet BiH i Nogometni savez BiH?

Delegat Boško Šiljegović je postavio sljedeće pitanje Vijeću ministara BiH:

Prisutne su informacije o problemima zaliha eksploziva u fabrici «Vitezit», odnosno krađama.

Šta je preduzeto na sigurnosti u ovoj fabrici, mjere koje se preduzimaju i da li to utiče na sigurnost u Bosni i Hercegovini uopće?

Delegat Velimir Jukić je postavio sljedeća pitanja Vijeću ministara BiH:

Koliko je zaposlenih i kakva je njihova nacionalna struktura, a naročito novinara u javnim RTV servisima u Bosni i Hercegovini (BHTV1, RTRS, i FTV), odnosno radiotelevizijskim kućama u Bosni i Hercegovini koje se finansiraju iz sredstva RTV pretplate?

Da li Vijeće ministara BiH ima program i plan rješenja problema prostora za rad institucija BiH? Ako ga u ovom momentu nema, do kada će ga prezentirati Parlamentarnoj skupštini BiH?

- Koliko se sredstava godišnje - 2003., 2004. i 2005. - isplatilo iz budžeta Bosne i Hercegovine za unajmljeni prostor za rad institucija BiH?

Ad-2. Usvajanje zapisnik 45. sjednice Doma naroda

Zapisnik 45. sjednice Doma naroda jednoglasno je usvojen.

Ad-3. Zahtjev Vijeća ministara BiH za razmatranje Prijedloga zakona o carinskim prekršajima BiH po hitnom postupku, u skladu sa članom 100. Poslovnika Doma naroda

Rasprava nije vođena.

Dom naroda nije usvojio Zahtjev Vijeća ministara BiH za razmatranje Prijedloga zakona o carinskim prekršajima BiH po hitnom postupku, u skladu sa članom 100. Poslovnika Doma naroda. Zakon će se razmatrati u redovnoj proceduri.

Ad-4. Izjašnjavanje Doma naroda o zahtjevu delegata Osmana Brke za razmatranje Prijedloga zakona o dopuni Zakona o porezu na promet proizvoda i usluga, po hitnom postupku, u skladu sa članom 99. Poslovnika Doma naroda

Rasprava nije vođena.

Dom naroda jednoglasno je usvojio zahtjev delegata Osmana Brke za razmatranje Prijedloga zakona o dopuni Zakona o porezu na promet proizvoda i usluga, po hitnom postupku, u skladu sa članom 99. Poslovnika Doma naroda.

Ad-5. Prijedlog poslovnika Doma naroda Parlamentarne skupštine Bosne i Hercegovine

U raspravi su učestvovali: Osman Brka, Branko Zrno, Đoko Pajić, Halid Genjac i sekretar Doma naroda Jadranko Tomić.

U vezi s Prijedlogom poslovnika Doma naroda Parlamentarne skupštine Bosne i Hercegovine, Dom naroda donio je zaključak da se produži komisijska faza za sljedećih 15 dana.

Ad-6. Informacija o stanju vanjske zaduženosti Bosne i Hercegovine u 2004.

U raspravi su učestvovali Goran Milojević i Ruža Stojanović.

Razmatranje Informacije o stanju vanjske zaduženosti Bosne i Hercegovine u 2004. odgođeno je zbog neprisustva predlagača.

Ad-7,8,9. Davanje saglasnosti za ratifikaciju Konvencije o tripartitnim konsultacijama u svrhu promoviranja implementacije međunarodnih standarda rada, 1976.;

Davanje saglasnosti za ratifikaciju Okvirnog sporazuma između Evropske zajednice i Bosne i Hercegovine o općim principima učešća BiH u programima Zajednice;

Davanje saglasnosti za ratifikaciju Ugovora o sveobuhvatnoj zabrani nuklearnih proba

Rasprava nije vođena.

Razmatranje za davanje saglasnosti za ratifikaciju odgođeno je zbog neprisustva predlagača.

Ad-10. Izvještaj o radu Komisije za vanjsku i trgovinsku politiku Doma naroda

U raspravi je učestvovao Hasan Čengić.

Dom naroda jednoglasno je usvojio Izvještaj o radu Komisije za vanjsku i trgovinsku politiku Doma naroda.

Ad-11. Izjašnjavanje Doma naroda o zahtjevu delegata Osmana Brke i Mustafe Pamuka za razmatranje Prijedloga zakona o dopuni Zakona o carinskoj politici Bosne i Hercegovine, po hitnom postupku, u skladu sa članom 99. Poslovnika Doma naroda

U raspravi su učestvovali Halid Genjac i sekretar Doma naroda Jadranko Tomić.

Dom naroda jednoglasno je usvojio zahtjev delegata Osmana Brke i Mustafe Pamuka za razmatranje Prijedloga zakona o dopuni Zakona o carinskoj politici Bosne i Hercegovine, po hitnom postupku, u skladu sa članom 99. Poslovnika Doma naroda.

Sjednica je završena u 12, 15 sati.

Sastavni dio ovog zapisnika je neautorizirani transkript sjednice.

SEKRETAR
DOMA NARODA
Jadranko Tomić, s.r.

PREDSJEDAVAJUĆI
DOMA NARODA
Velimir Jukić, s.r.